

Николай Михайлович Рыкунов

Учууталым туһунан ырыа

К. М. Таюрскаяҕа

Кулуһун уотунуу
кэлэрбит
кутаалыыр
сүрэбин суоһугар,
күөх чээлгэ чангыныы
күлэрбит
күөрэгэй
чуорааннаах сыһыыга.

Колхозпут сүөһүтүн,
бурдугун
хомуйсар
хоһуун дьон этибит,
киһиттэн эн кэрэ
курдугун,
кенигэ
кэһиилээх эдьийбит.

Үөрүнньэнг куоласкар
истэрбит
үрүччэ,
үрүг түүн сипсиэрин,
сэлэлии, түмсүһэ
түстэрбит
сэгэйэн
истингник кэпсииринг:

Илгэлээх олохпут
дьоллоро
Ийэ сир
бүөбэйэ буоларын,
аан дойду үлэһит
дьонноро
алгыстаах
эйэ диэн тылларын.

Кэс – алгыс тылларгын
толорон,
кэскиллээх
үлэнэн үрдүөхпүт,
эйигин кырдьан да
олорон,
ийэбит
кэриэтэ өйдүөхпүт.